

Broj: 01-1-1253/24

Datum: 30.8.2024. godine

ZAPISNIK SA 40. REDOVNE SJEDNICE UPRAVNOG ODBORA JU BIBLIOTEKA SARAJEVA

održane dana 29.8.2024.godine (četvrtak) u poslovnoj zgradi Biblioteke, u ulici Mis Irbina br.4, sa početkom rada u 7:30 sati

Sjednicu je otvorila i sjednicom predsjedavala Aida Čupović, predsjednica Upravnog odbora, konstatujući prisustvo sastava Upravnog odbora kako slijedi:

- Aida Čupović, predsjednica Upravnog odbora,
- Ivana Henda, članica Upravnog odbora,
- Midhad Kurtović, član Upravnog odbora ispred kolektiva)

Sjednici također prisustvuje direktorica JU Biblioteka Sarajeva, Merima Lendo.

Zapisnik vodi Kabaš Erna – Stručni saradnik za pravne poslove ispred Službe za pravne poslove.

Predloženi Dnevni red jednoglasno je usvojen i glasi:

1. Razmatranje i usvajanje Zapisnika sa 38. sjednice Upravnog odbora JU „Biblioteka Sarajeva“ održane dana 27.6.2024. godine
Prilog: Zapisnik sa 38. sjednice Upravnog odbora;
2. Utvrđivanje zaključaka o realizovanim odlukama i aktivnostima sa 38. sjednice;
3. Razmatranje i usvajanje Zapisnika sa 39. sjednice Upravnog odbora JU „Biblioteka Sarajeva“ održane dana 11.7.2024. godine
Prilog: Zapisnik sa 39. sjednice Upravnog odbora;
4. Utvrđivanje zaključaka o realizovanim odlukama i aktivnostima sa 39. sjednice;
5. Donošenje Odluke u skladu sa Zapisnikom komisije za provođenje revizije (Dječije odjeljenje - Radićeva);
Prilog: Odluka o otpisu bibliotečke građe;
6. Donošenje Odluke o davanju saglasnosti za provođenje postupka javne nabavke usluga izrade i oblikovanja namještaja za Američki kutak Sarajevo, u iznosu preko 5.000 KM;
Prilog: Odluka o davanju saglasnosti;
7. Razno.

Ad. 1

Zapisnik sa 38. sjednice Upravnog odbora JU „Biblioteka Sarajeva“ održane dana 27.6.2024. godine, **usvojen sa dva glasa za i jedan glas suzdržan.**

Ad.2

Utvrđivanje zaključaka o realizovanim odlukama i aktivnostima sa 38. sjednice Upravnog odbora JU „Biblioteka Sarajeva“ održane dana 27.6.2024. godine, **usvojeno sa dva glasa za i jedan glas suzdržan.**

Ad.3

Predsjednica Upravnog odbora, Čupović Aida, shodno prigovoru na Zapisnik sa 37. sjednice, podnešenog od Kurtović Midhada, Bajraktarević-Rožman Esme i Kulenović Emire, nakon konstatacije da je isti nepotpun i neblagovremen, ipak predlaže da se sačini dopuna Zapisnika, a u skladu sa zakonskom regulativom. Jedan od podnosilaca prigovora, Kurtović Midhad, naglašava da je saglasan za navedeni prijedlog ukoliko dopuna

Zapisnika sa 37. sjednice Upravnog odbora bude sastavni dio istog. Direktorica, Lendo Merima, naglašava da gospodinu Kurtović Midhadu nije narušen integritet, s čijim navodima se član Upravnog odbora ispred kolektiva, Kurtović Midhad, nije usaglasio, te je zbog neetičnog i krajnje nekorektnog odnosa Kurtović Midhada, prema Direktorici, ista napustila sjednicu Upravnog odbora. Predsjednica Čupović Aida navodi da je najbolje rješenje da se donese, u narednim danima, Odluka Upravnog odbora o izmjeni Zapsnika 37. sjednice Upravnog odbora, u dijelu rečenice, zbog okolnosti nastalih usljed eventualne mogućnosti pogrešnih interpretacija.

Zapisnik sa 39. sjednice Upravnog odbora JU „Biblioteka Sarajeva“ održane dana 11.7.2024. godine, **usvojen sa dva glasa za i jedan glas suzdržan.**

Ad.4

Utvrđivanje zaključaka o realizovanim odlukama i aktivnostima sa 39. sjednice Upravnog odbora JU „Biblioteka Sarajeva“ održane dana 11.7.2024. godine, **jednoglasno usvojeno.**

Ad.5

Kao izvjestilac pete tačke dnevnog reda, predsjednik Komisije za reviziju Kurtović Midhad, navodi da je revizija na Odjeljenju broj 5 (Dječije odjeljenje – Radićeva) uspješno okončana. Također sugeriše da bi Voditelji odjeljenja trebali biti prisutni do samog okončanja revizije na Odjeljenju na kojem se vrši revizija. Iz navedenog posebno izdvaja da je pomenuta revizija bila jako kompleksna, jer stare inventarne knjige nisu zaključene. S tim u vezi, predlaže da se omogući duži rok za pripremu revizije, u cilju što adekvatnijeg vršenja iste, te konkretno predlaže rok od pet dana i više za pripremu Odjeljenja. Preporuka struke je da jedan mjesec prije vršenja revizije bude predviđen za vraćanje knjiga, te da se iste ne izdaju u tom periodu. Na prijedlog Komisije o provođenju revizije bibliotečkog fonda u Odjeljenju 5, rashoduje se 1279 publikacija u ukupnom iznosu 5.752,88 KM, a u skladu sa dostavljenim Spiskovima.

Odluka o otpisu bibliotečke građe **usvojena sa dva glasa za i jedan glas suzdržan.**

Ad.6

Odobrava se realizacija nabavke usluga izrade i oblikovanja namještaja za Američki kutak Sarajevo – JU „Biblioteka Sarajeva“, po narudžbi/ponudi broj 24-0101-000137, čija ukupna vrijednost iznosi 6.799,00 KM sa uračunatim PDV-om. U skladu sa aktom Ministarstva kulture i sporta broj 12-14-3606A/16 od 21.12.2016. godine, gdje je obaveza Upravnog odbora da donese Odluku o davanju saglasnosti za plaćanje računa, faktura u iznosu od 5.000,00 KM i većem iznosu, donesena je odluka kao u dispozitivu.

Odluka o davanju saglasnosti za realizaciju nabavke usluga izrade i oblikovanja namještaja za Američki kutak Sarajevo, **jednoglasno usvojena.**

Ad.7

Kurtović Midhad predlaže da se češće održavaju Stručni kolegiji, te da bi bilo dobro raditi na poboljšanju međuljudskih odnosa unutar Ustanove.


Zaključuje se sjednica u 9:00 sati.

ZAKLJUČCI:

- Razmatranje i usvajanje Zapisnika sa 38. sjednice Upravnog odbora JU „Biblioteka Sarajeva“ održane dana 27.6.2024. godine, **usvojen sa dva glasa za i jedan glas suzdržan.**
- Utvrđivanje zaključaka o realizovanim odlukama i aktivnostima sa 38. sjednice, **usvojeno sa dva glasa za i jedan glas suzdržan.**



- Razmatranje i usvajanje Zapisnika sa 39. sjednice Upravnog odbora JU „Biblioteka Sarajeva“ održane dana 11.7.2024. godine, **usvojen sa dva glasa za i jedan glas suzdržan.**
- Donošenje Odluke o izmjeni dijela Zapisnika sa 37. sjednice, kao i Izmjena Zapisnika sa 37. sjednice;
- Utvrđivanje zaključaka o realizovanim odlukama i aktivnostima sa 39. sjednice, **jednoglasno usvojeno.**
- Donošenje Odluke u skladu sa Zapisnikom komisije za provođenje revizije (Dječije odjeljenje - Radićeva), **usvojena sa dva glasa za i jedan glas suzdržan.**
- Donošenje Odluke o davanju saglasnosti za realizaciju nabavke usluga izrade i oblikovanja namještaja za Američki kutak, **jednoglasno usvojeno.**
- Pod tačkom Razno, Kurtović Midhad predlaže češće održavanje Stručnih kolegija u svrhu poboljšanja međuljudskih odnosa.

Zapisničar :



Kabaš Erna

Predsjednica Upravnog odbora



Aida Čupović, prof.